

Ro Agunbero ta presenta 'Canciones Nostalgicas', su di tres CD

Skirbi pa Joy Kock

ORANJESTAD — Recientemente Ro Agunbero, conocido bolerista, a graba un CD nobo titula 'Canciones Nostalgicas.' Diez bolero romantico y cu combinacion cu un bolero Son. E grabacion a ser haci den Absolute Music Studio di Franklin Granadillo cu tabata tambe e ingeniero di grabacion. Franklin a haci e editing y mixing y tabatin tur e areglo musical na su encargo.

Pronto e CD aki lo ta riba plaza. Pa loke mi por a scucha di e boleronan, mi por menciona cu atrobe un artista local conoci a haci su esfuerzonan pa logra otro proyecto grandi cu gastonan conoci cu ta encera un grabacion di calidad halto.

Titulo di e Cancionnan ta: 1. Cuando Ya No Me Quieras, 2. Corazon En Cristal, 3. Dos Arbolitos, 4. Vida Consentida, 5. La

Sitiera, 6. Mañana cuanto Mas, 7. Que Vas A Hacer?, 8. A Tus Ordenes, 9. Vieja Luna y 10. Desesperanza.

E idea pa graba e CD aki cu varios bolero Cubano a bin tempo cu Ro hunto cu mi tabata na Cuba y a toca cu e sexteto San Miguez, banda di e muy popular Malecon na La Habana. E plan tabata pa graba na Cuba, pero pa motibonan cu tabata unpoco dificil pa logra e proyecto aki na Cuba, Ro a dicidi di grab'e aki na Aruba mes.

Ami mes, cu ta semi-retira no a toca riba e CD aki, pero Ro ta Gradici e siguiente musiconan: Franklin Granadillo, Robert Jeand'or, Papito Rafael, A. Boekhoudt, Pedro Velasquez y Lucio Rivadeneira.

E kaft di e CD a ser diseña pa Harvey Agunbero. Un bunita CD cu bon canto di Ro cu mi ta recomenda altamente pa tur amante di bolero tin den su coleccion.